

Pekerja asing hantar pulang RM6.9b

14 MAR 2002

KUALA LUMPUR 13 Mac — Sebanyak RM6.9 bilion telah dihantar pulang oleh pekerja asing ke negara masing-masing bagi tempoh Januari hingga September tahun lepas, kata Menteri Kewangan, Datuk Seri Dr. Mahathir Mohamad.

Perdana Menteri berkata, maklumat Jabatan Perangkaan Malaysia menunjukkan sebanyak RM8.6 bilion pula dihantar pulang oleh pekerja asing sepanjang tahun 2000.

Mengenai tunggakan hutang pekerja asing ke-

pada hospital seperti yang dibangkitkan oleh **Datuk Yap Pian Hon (BN-Serdang)**, Dr. Mahathir memberitahu, tunggakan bagi tahun 2001 adalah sebanyak RM7.17 juta.

“Daripada jumlah itu sejumlah RM2.99 juta telah dihapus kira,” kata-

nya dalam jawapan bertulis kepada soalan Yap pada sidang Dewan Rakyat, semalam.

Dr. Mahathir berkata, jumlah tunggakan bil hospital oleh pesakit warga asing bagi tahun 2000 pula adalah sebanyak RM6.75 dan RM2.78 juta telah dihapus kira.